

Na osnovu Zakona o izbjeglicama iz BiH i raseljenim osobama u BiH ("Službeni glasnik BiH", br. 23/99, 21/03 i 33/03), Ministarstvo za ljudska prava i izbjeglice Bosne i Hercegovine objavljuje:

## **P O Z I V**

### **izbjeglicama iz BiH, raseljenim osobama u BiH i povratnicima za registriranje prijave potencijalnih korisnika pomoći za rekonstrukciju i povratak**

U cilju utvrđivanja potreba za rekonstrukciju i povratak, identificiranja prioriternih područja povratka i planiranja aktivnosti na suštinskom okončanju procesa povratka u BiH, kroz osiguravanje jednoobrazne i usklađene realizacije ciljeva Aneksa VII. Općeg okvirnog sporazuma za mir u Bosni i Hercegovini na cijeloj teritoriji BiH, Ministarstvo za ljudska prava i izbjeglice poziva sve izbjeglice iz BiH, raseljene osobe u BiH i povratnike koji ispunjavaju opće kriterije za utvrđivanje potencijalnih korisnika projekata povratka i rekonstrukcije stambenih jedinica u BiH, da podnesu prijave za registriranje potencijalnih korisnika pomoći za rekonstrukciju i povratak.

#### **I. Opći kriteriji za utvrđivanje potencijalnih korisnika projekata povratka i rekonstrukcije stambenih jedinica**

1. korisnik pomoći je izbjeglica iz BiH, raseljena osoba u BiH, ili povratnik;
2. korisnik pomoći je iskazao namjeru za povratkom;
3. status vlasništva ili stanarsko pravo nad stambenom jedinicom koja je predmet rekonstrukcije je utvrđen;
4. korisnik pomoći je na dan 30.4.1991. godine imao prebivalište u stambenoj jedinici koja je predmet rekonstrukcije;
5. stambena jedinica koja je predmet rekonstrukcije smatra se neuslovnom za stanovanje, u skladu s odgovarajućim standardima o minimumu stambenih uslova;
6. korisnik pomoći i članovi njegovog domaćinstva od 1991. godine nemaju na teritoriji BiH drugu stambenu jedinicu koja se smatra uslovnom za stanovanje, u skladu s odgovarajućim standardima o minimumu stambenih uslova;
7. korisnik pomoći nije primio pomoć u rekonstrukciji, dovoljnu da zadovolji odgovarajuće standarde o minimumu stambenih uslova.

#### **II. Vrijeme trajanja poziva**

Poziv je raspisan na neodređeno vrijeme.

#### **III. Način dostavljanja prijave na poziv**

Prijave za registriranje se dostavljaju ISKLJUČIVO na *Obrascu prijave/izjave*.

MLJPI će osigurati da dovoljan broj obrazaca bude dostupan u svim općinama u BiH, regionalnim centrima Ministarstva za ljudska prava i izbjeglice, diplomatsko-konzularnim predstavništvima Bosne i Hercegovine u zemljama prihvata izbjeglica iz BiH, kao i na internet stranici MLJPI.

Obrasci prijave/izjave se dostavljaju PUTEV POŠTE Ministarstvu za ljudska prava i izbjeglice, na adresu u Sarajevu, Trg BiH 1, ili LIČNO u odgovarajućem regionalnom centru Ministarstvu za ljudska prava i izbjeglice.

MINISTAR ZA LJUDSKA PRAVA I IZBJEGLICE

Sarajevo, 25.06.2004.

Mirsad Kebo